

Das zwey vnd dreissigste Capitel.

Warumb die Hirsch/ so sie jr Behörn abgeworffen/
sich zu verbergen pflegen.

Wenn die Hirsch jr Behörn abgeworffen/ ziehen sie von Feld gehn Holz vnd verbergen sich/welches denn darumb zu beschehen pflegt. Denn erstlich seyn sie zur selbigen zeit ganz mäh / mager vnd ableibig / wegen des Winters/ können sich ihrer schwachheit halben keines wegs selbst beschirmen vnd vertheidigen/ müssen also ihrem Beß vnd Nahrung nachgehen/vnd ire Ruhe suchen/ damit sie sich widerumb erholen / vnd starck werden mögen. Diem Weil sie auch zum andern ihr Behörn vnd Wehr verlohren haben/ fürchten sie sich für den andern wilden Thieren/ zu dem sie sich auch/diem Weil sie beydes/vmb jr Behörn vñ Schöne kommen seyn/fast zu schämen pflegen/ welches ihres verbergens vnd verkriechens gnugsame Ursach ist. Es gibts auch die erfahrung/das die Hirsch/welche jr Behörn abgeworffen /derowegen etwan an einem schönen lustigen ort sich auffhalten vnd verbergen. So bald sie von Haken/ Specht/ oder andern Vögeln beschrien worden/ lauffen sie von stundan ihrem Stand stracks zu / darmit sie sich / wegen der forcht vnd schäme/so sie haben/widerumb verbergen vnd verhalten mögen / Vnd ist wol zu merken/das sie iren Stand / wo sie nur in demselbigen vnverhindert vnd vnangefochten bleiben mögen/vor außgang des Augustmonats/wenn sie in die Brunst treten / vnd sich des Wilds annemen wollen/nicht ändern noch verlassen. Wenn die Hirsch / so sich in irem Stand verbergen/sehen/das jr Behörn nun mehr verreckt/welches gemeinlich den zwey vnd zwenzigsten Heymonats beschicht/ verbergen sie sich nit mehr/sondern gehen auß irem Stand herfür / zu den Bäumen vnd schlagen/vnd wenn sie geschlagen/so färben sie ihr Behörn/etliche mit Kolen/etlich mit Lestten/rotem Erdrich/oder andern gewöhnlichen Arten. Es tragen etliche ein braun vnd rotes / etliche ein schwarz/auch etliche ein weisses Behörn/nicht das jnen solch Behörn die Kolen oder rote Erd vnd anderß mehr/solte also gefärbt haben/welches vnmöglich were / sondern die Natur selbst hat ihnen dieselbigen also gefärbt vnd gemacht/auffgesetzt vnd wachsen lassen/ Das rote oder braun Behörn wirt viel dickere/auch schöner / denn die andern zwey/ das schwarz viel schwerer / das weiß Behörn wirt für das aller geringst geachtet.

Das drey vnd dreissigste Capitel.

Vom Haar vnd der Hirschenfarb.



Es seyn dreyerley Art vnd Farb der Hirschen / als braune / gelbe/ oder goldfarbe vnd rohte/Es bringt aber jede Sorten widerumb zweyerley art/ vnd ist die eine hoch vnd groß/die ander niedrig vnd klein/Erstlich seyn braunfarbe Hirsch / so groß lang auch starck seyn / vnd ihr Behörn / welches rothfarb ist/ hüpsch vnd ganz wol geschaffen / hoch empor tragen / die da auch in die länge lang vnd wol lauffen mögen/wie denn alle lange Hirsch ein stärckern Leib / auch längern Athem/welches den kurzgesetzten abgeht/gemeinglich zu haben pflegen.

Darnach seyn auch andere Braunfarbe Hirsch / so wol beyammen / vnd kurz bey einander seyn / die haben vnderm Hals gemeinglich schwarze langlechte Haar / vnd gehen dem aller besten vnd schleckerrhafftigsten Beß nach/so immer zu finden/Denn sie sich mehrertheils in Heyen vnd Schlägen/den in Häwbarem Holz auffhalten/Dieses sind arglistige böse Hirsch/so sich gewöhnlich verhalten/denn weñ sie in irer Hirsch feiste seyn/stehen sie allwegen in der forcht/ man finde sie/diem Weil sie nicht wol lauffen mögen/zu dem haben sie auch ein kurzen gang. So es aber alte Hirsch seyn/welche an lustigen Orten vñ Borhölzern jr Beß gehabt/haben sie ein schwarzlechten Kopff vnd schwarzes Behörn/mit schönen vnd völligen Enden/vnd tragen gemeinglich das Behörn gegen vbersich. Die gelbe oder Goldfarbe Hirsch / tragen zum andern jr Behörn / welches weiß ist/ hoch/die Stangen seyn schwach/die End lang / weich vnd vngesund/bevorab / wenn sie ein wenig mit weisser Farb vermischt seyn/Aber die jenigen/so recht lebendig Goldfarb seyn/ vnd einen braunen Streimen vber den Rücken/ire Läufe auch von gleicher Farben/vnd etwas langhaarig haben/ seyn einer sehr trefflichen guten Art/sie haben schöne/ hohe / wolgestalte vnd krause Behörn. Beslangend die rohte Hirsch/vnd so lebendig roht seyn / dasselbige seyn gemeinglich nur Spishirsch. Dieser Haar vnd Farben Sorten vnd Art der Hirsch/mögen den Jäger/diem Weil sie gar zu schnell lauffen/vnd eines so vberaus geschwinden vnd langen Athems seyn / nicht fast erfreuen vnd belustigen.